

Մասքատի, Շապարանի եւ Ալբաբ¹ քաղաքի ժողովուրդը: Ապա բնակիչք փակեցին նորա յետեւից դռները. նորան պատահեցաւ խաբանք իւր հեծելագործով, որ անցած էր Բալանջար² գետը, եւ Սալման սպանեցաւ 4000 մուսլիմների հետ. նոցա պատերազմական կոչը սովորաբար լսելի էր ճակատամարտի դաշտում: Սալման Ի. Ռաբիյա առաջինն էր, որ դատաւոր նշանակեցաւ Կուֆայում (Բաղդատում) եւ մնաց այստեղ 40 օր առանց դատ ու նենալու՝ պատմողը աւանդել է ինձ Օմար Ի. խտտաբի ասելով: Սալմանի եւ Կոտայբայ Ի. Մուսլիմի մասին ասում է Իբն Զուլման Ալբաբահի³:

Մենք երկու գերեզման ունինք. մէկը Բալանջարում, Միւսը Չինաստանում. ի՞նչ գերեզմաններ...
Որ Չինաստանումն է՝ (հերոսի) յաղթութիւններով
է ծածկւած,
Իսկ այս՝ Թանձր անձրեւը կ'ողողէ:

Սալմանի հետ էր Բալանջարում Քարզայ Ի. Կաբ Ալանսարի, որ բերեց նորա մահւան բօթր Օսմանին: Երբ Հաբիբ նւաճեց Հայաստանի մի մասը, նա գրեց դորա մասին Օսման Ի. Օֆֆանին, եւ նորա գիրը հասաւ նորան. տեղեկացնելով նորան Սալմանի մահւան մասին, նա կարծում էր, թէ Օսման նորան նշանակելու է կառավարիչ ամբողջ Հայաստանի վերայ. բայց ապա տեսաւ, որ նա նորան կարգում է Ասորիքի եւ Միջագետքի սահմանադրելում զինւոր, ի նկատի ունենալով նորա ընդունակութիւնն այսօրինակ յանձնարարութիւններում, որ նա նորան սովորաբար տալիս էր: Իսկ Հայաստանի սահմանադրելում կառավարիչ նշա-

¹ Դերբենդ:

² Վառաշան քաղաք Հոնաց (Սեղծ խորեն.) հմմտ. եւս Մ. Կաղանկատուացի Բ. Խթ.: Ibn Xordadbeh: խաղաղաց քաղաքներն են՝ խամիզ, Բալանջար եւ Ալբաբայ (124):